

Sa pastinadura de sa 'inza

de Antoni Cardeu

Cando sa zente biviatae dae su triballu de sa terra, teniat diversas costumanzias chi oe cun su tempus modernu sun isparinde.

A sa regorta de s'incunzada, pò su massaiu fut motivu de festa, cernente prus ancora, su tusorzu pò su pastore.

Un'atera festa o iscena curiosa si faghiat cando si pastinaiat sa 'inza.

Sa die su mere invitaiat parentes, bighinos de 'orno e de sartu pò azzuare a s'opera.

Sende prantande sa 'ide si cominzaiat a bufare calchi tassa 'e 'inu, e gasi totu in tonu de allegria e de festa si che pastinaiat sa 'inza.

A s'illorada bi fudi s'iscena curiosa, sos azuantes prendian su mere de sa 'inza cun sa fune, si custu non renessiat a si che fuire, che ddu attian a domo presu a fune, mudau cun ferulas e batiles de irione; cando intraian intro 'idda cominzaian a boghes e a sonare sa corra e 'onnia tantu bi jaian un'iscollada de fune che chi esseret una bestia rude.

Cust'iscena forzis est de origine antiga e faghiat parte de una celebrazione in onore de Baccu, sa divinidadade de su 'inu.

E pò che finire sa zerimonia, totus sos chi aian pigau parte a su traballu 'e sa 'inza fun invitaos dae su mere a su sarau chi in domo teniat preparau.

Custas usanzias in bidda ddas ammentamos ancora, cando an pastinau sas binzas de Su Segau, sas cales produian su famosu 'inu, cantu sos menzus de Sardinna.

Su dannu est bistau ca sas binzas no sun duradas a longu, no podian durare ca no sun duraos sos binzarzos e sos zovanos no nd'han creffiu s'intesa a da sighire a mantener.

E puru oe, cun totu chi no marronan sas binzas, de 'inu nde buffan su matessi cant'e tando, mancari 'eniu a forza 'e conzime e meghina.



Rientro a Sedilo dalla vendemmia

PARRUCCHIERA PER SIGNORA



**ANNA
BRANCA**



Via C. Alberto - Tel. 0785/59599 - Sedilo (OR)